



Iregularidade Iha Promosaun Estrordinariu Polisia Nasional Timor-Leste (PNTL) Tinan 2012

Mahein Nia Lian Nú. 85, 25 Setembru 2014



Relatoriu Fundasaun Mahein Nia Lian ne'e suporta husi povu Amerikanu liu husi Ajéncia Estados Unidus ba Dezenvolvimentu Internasional (USAID) no Embaxada Finlandia iha Jakarta.

Vizaun husi autor sira ne'ebé expresa iha publikasaun relatoriu sira ne'e la reprezenta vizaun husi Ajéncia Estados Unidus ba Dezenvolvimentu Internasional (USAID) no Embaxada Finlandia.



Website: www.fundasaunmahein.org



Kontiudu sira

Kontiudu sira	2
Introdusaun	3
Metodolojia	4
Iregularidade iha promosaun	4
Impaktu husi promosaun	11
Sumariu rekomendasaun	13
Bibliografia	14



Introdusaun

Fundasaun Mahein (FM) públika tiha ona iha relatoriu dahuluk kona-bá promosaun PNTL halo iha tinan 2010 ne'ebé rezultadu promosaun mosu lamentasaun barak husi elementu PNTL sira. Lamentasaun sira ne'e kestiona kona-bá iregularidade iha prosesu promosaun. Situasaun momentu ne'eba sai nakdoko oituan iha Instituisaun PNTL nian laran, elementu PNTL la hatudu nia disiplina no la respeita nia superior tan la satisfas ho rezultadu promosaun.¹

Iha promosaun estrordinariu tinan 2012 hetan mos lamentasaun husi elementu PNTL sira tanba mosu irregularidade iha prosesu promosaun nia laran. Lamentasaun hirak ne'e elementu lubuk ida hato'o sira nia petisaun ba Premeiru Ministru nu'udar mos Ministru Defeza no Siguransa no elementu hirak ne'e barak liu mai husi veteranus.²Iha ne'ebé wainhira Komisaun Promosaun Estrordinariu hala'o sosializasaun prioridade mos ba veteranus sira iha promosaun ne'e. Elementu PNTL ida hato'o ba FM katak iha sosializasaun ne'ebé Komisaun Promosaun Estrordinariu hatete promosaun sei fo mos prioridade ba veteranus sira. Nune'e mos elementu seluk deskontenti ho rezultadu promosaun tanba iha prosesu ne'e rasik la iha justifikasaun tanbasa sira la promove maske sira hetan valor ne'ebé sufisiente no balu hetan valor ne'ebé boot tuir rekizitu ne'ebé komisaun hasai.

Maske promosaun estrordinariu estabelese iha tinan rua liu ba maibe rezultadu promosaun ne'e rasik hamosu deskontentimentu to'o ohin loron. Iha elementu balu lahatudu disiplina iha nia serbisu fatin iha ne'ebé sei hakait hela ho promosaun ne'ebé liu ona tinan rua. Elementu balu husik hela nia serbisu to'o agora maibe kontinua simu salariu efetivamente maske xamada husi nia superior maibe la kumpri xamada ne'ebé hasai.

Relatóriu ne'e nia objetivu fo sai kona-bá faktu iregularidade sira iha promosaun estrordinairu tinan 2012 nian. Iha ne'ebé akontese tinan rua liu ba maske hetan ejejijensia balu maibe la iha atensaun diak husi politiku sira no komisaun promosaun rasik.³Faktu

¹Fundasaun Mahein, (2010). Mahein Nia Lian Nú. 15 Rekrutamentu ba PNTL: Dalan Narukba Profesionalizmu. Bele asesu iha <http://www.fundasaunmahein.org/wp-content/uploads/2010/12/mahein-nia-lian-no-15-141210-tet.pdf>. Asesu iha loron 20 Feveiru 2014.

²Tempo Semanal (2013). Posibilidade Mosu Petisionariu PNTL iha 2013? Bele asesu iha <http://temposemanal.com/seguransa-defesa/item/291-posibilidade-mosu-petisionariu-pntl-ih-2013>. FM asesu iha loron 20 Feveiru 2014.

³FM hato'o tiha ona karta ba Komisaun Promosaun Estrordinairu atu konfirma informasaun ne'e maibe Komisaun la iha resposta konkritu ba kazu ida ne'e no Komisaun hato'o katak la iha tempu atu ko'alia kona-bá promosaun tanba promosaun liu tiha ona no ema hotu simu rezultadu promosaun estrordinairu. Nune'e mos Komisaun Promosaun hato'o katak se maka la satisfas



sira ne'e nunka deskobre no sai nonok deit. Ejjensia no deskontenti barak husi elementu PNTL sira motiva sira la kumpri diak ordem no instrusaun sira ne'ebé superior ka ofisiais polisia hasai. Ida ne'e FM hare katak sei destrói ierarkia komandu nian iha ne'ebé afeita ba atividade polisiamentu, profesionalismu nodisiplina elementu nian.

Metodolojia

Metodolojia ne'ebéadopta iha relatoriu ne'emaka liu husi literatura bazeia dokumentu ofisial sira, intervista, publikasaun media no diskusaun ihaekipa peskiza FM nian ho naran *Security Sector Discussion – SSD*.

Ambitu análiza husi relatoriu ne'e kona-bá iregularidade sira iha promosaun estrajordinariu ba PNTL iha tinan 2012 no impaktu husi promosaun ne'e rasik ba disiplina elementu PNTL nian iha serbisu fatin. Iha ne'ebé elementu PNTL sira lamenta ho promosaun ne'ebé liu dadauk tanba deskonfia iha iregularidade balu iha prosesu promosaun.

Iregularidade iha promosaun

Konforme relatoriu ka dokumentu keixa elementu PNTL ne'ebé la satisfas ho rezultadu promosaun hato'o ba Ministériu Públiku konfirma katak elementu ne'e la satisfaitu tanba iha lei Promosaun Estrajordinariu oin seluk, sosializasaun oin seluk no implementasaun oin seluk. Ikus rezultadu hetok aat liu tan elementu PNTL sira ne'ebé la promove la disiplina liu tan no keixa, reklamasaun ba Komisaun Promosaun, Komandu Jeral PNTL, Ministériu Defeza no Siguransa no Ministériu Públiku maibe la hetan atensaun diak.⁴

Iha ne'ebé tuir Decreto-Lei No. 22/2012 de 23 de MaioPeríodo Extraordinário de Promoções na PNTL hatete kondisaun hirak ne'ebé atu hetan promosaun maka presiza prenxe rekizitu ka prosesu sira hanesan disiplina, avaliasaun profesional, avaliasaun psikolojika, entrevista, klasifikasaun final de selesaun, kursu promosaun, teste final kursu nian ho klasifikasaun.⁵

Elementu PNTL sira mos kestiona kona-bá sosializasaun oin seluk portantu iha sosializasaun ne'e rasik Komisaun Promosaun Estrajordinariu hatete fo prioridade ba veteranus sira ne'ebé iha Instituisaun PNTL nia laran.⁶Ho nune'e iha relatoriu ne'ebé FM

ho rezultadu promosaun diak liu lori ba Tribunal liu husi karta ne'ebé Komisaun Estrajordinariu hato'o ba FM iha tinan ida ne'e nian.

⁴ Soares, Cesaltina. (2014). Elementu PNTL ne'ebé la satisfaitu ho rezultadu promosaun estrajordinariu iha tinan 2012. Entrevista pesoal.

⁵Decreto-Lei No. 22/2012 de 23 de MaioPeríodo Extraordinário de Promoções na PNTL.

⁶ Soares, Cesaltina. (2014). Dokumentu keixa elementu PNTL ne'ebé la satisfas ho rezultadu promosaun hato'o ba Ministériu Públiku. Dili



simu elementu PNTL ne'ebé involve iha tempu rezistencia nian trata mos dokumentu husi Komisaun Homenajen no Komite 12 Novembru hodi kompleta sira nian dokumentu ba promosaun nian.⁷ Maske ikus veteranus lubuk ida la pasa iha promosaun no hato'o karta lasatisfasaun ba Ministériu Defeza no Siguransa.⁸

Iha prosesu implementasaun Promosaun Estrordinariu tinan 2012, relatoriu ne'ebé FM simu iha iregularidade balu durante promosaun ne'e la'o to'o iha rezultadu promosaun. Inisiu sosializasaun la'o Komisaun hato'o katak promosaun ida ne'e prioridade ba vereanus sira maibe realidade veteranus barak mak laliu iha testu. Iha ne'ebé espesial ba veteranus sira hare deit iha testu eskrita kuandu liu 50% sira liu ona la hare ba testu seluk-seluk tan maibe realidade veteranus barak maka valor diak iha testu professional 50% ba leten maibe la liu.

Tabela. 01. Lista veteranus ne'ebé la pasa iha promosaun estrordinariu tinan 2012

Nu	Naran	ID	Valor Testu Profesional (%)
1	Francisco da Costa	13140	79
2	Antonio Pereira	12705	57
3	Celestino A. S. Mendonca	12035	62
4	Antonio Freitas	13072	51
5	Laurentino de Jesus	11584	52

Fontes:Dokumentu keixa elementu PNTL ne'ebé la satisfas ho rezultadu promosaun hato'o ba Ministériu Públiku, tinan 2013.

Iha kazu seluk durante ami nia peskiza hetan katak elementu balu nia valor boot maibe sira hakat pasu ida deit, husi Inspetor Asistente ba Inspetor. Iha ne'ebé sira nia rezultadu avaliasaun testu kuiñesementu professional husi 60 – 76, avalizasaun psikolojia rekomendadu, entrevista Apto, nota de testu kursu 26 – 32,15 maibe la iha prioridade no la iha justifikasau no promove hakat pasu ida deit husi Inspetor Asistente ba Inspetor.⁹

⁷ Nunes, J. (2013). Sertifikadu husi Komisaun Homenagem no Komite 12 Novembru hodi kompleta dokumentu promosaun nian iha periodu Promosaun Estrordinariu tinan 2012. Dili

⁸ Menezes, Abel M. S (2013). Dokumentu deklarasaun Konjuntu, la satisfas kona-bá rezultadu Promosaun PNTL ne'ebé fo sai husi equipa Promosaun da PNTL iha periodu Promosaun Estrordinariu tinan 2012. Dili

⁹ Soares, Cesaltina. (2014). Dokumentu keixa elementu PNTL ne'ebé la satisfas ho rezultadu promosaun hato'o ba Ministériu Públiku. Dili



Tabela. 02. Lista elementu PNTL ne'ebé valor boot maibe promove pasu ida deit

Nú	Naran	ID	Nota Testu Kuiñesementu Profesional	Avaliasaun Psikolojia	Intervista	Nota Testu Kursu	Prioridade	Promosaun
1	Cesaltina Soares	12294	76	Rekomendadu	Apto	32,15	Laiha	Inspektor
2	Jose Lopes	10117	60	Rekomendadu	Apto	26,56	Laiha	Inspektor

Fontes: Dokumentu keixa elementu PNTL ne'ebé la satisfas ho rezultadu promosaun hato'o ba Ministériu Públiku, tinan 2013.

Indika iha iregularidade tanba iha elementu PNTL balu ne'ebé nia valor kiik maibe hakat pasu rua husi Inspektor Asistente ba Inspektor Xefe. Maske sira nia valor testu profesional kiik liu númeru sira iha leten no balu hanesan inklui avaliasaun seluk iha rekizutu promosaun nian. Husi ne'e hamosu la satisfasaun husi elementu seluk, iha ne'ebé la iha justifikasaun ba sira kazu no tanbasa sira hakat pasu ida deit maske valor sira iha rekizutu promosaun nian boot liu sira seluk no sira ne'ebé valor kiik hakat kedas pasu rua.

Tabela. 03. Lista elementu PNTL ne'ebé valor kiik no hanesan maibe promove pasu rua husi Inspektor Asisten ba Inspektor Xefe

Nú	Naran	ID	Nota Testu Kuiñesementu Profesional	Avaliasaun Psikolojia	Intervista	Nota Testu Kursu	Prioridade	Promosaun
1	Bernardo Freitas	10357	60	Rekomendadu	Apto	31,23	-	Inspektor Xefe
2	Helio da C. de Deus	10417	70	Rekomendadu	Apto	29,22	-	Inspektor Xefe
3	Leonela do R. Martins	10502	71	Rekomendadu	Apto	29,08	-	Inspektor Xefe
4	Palmino da Cruz	10378	74	Rekomendadu	Apto	28,55	-	Inspektor Xefe
5	Semedio Talu Mau	10348	73	Rekomendadu	Apto	24,50	-	Inspektor Xefe
6	Manuel M. dos Santos	11312	71	Rekomendadu	Apto	27,38	-	Inspektor Xefe
7	Eduardo M. Amaral	11492	72	Rekomendadu	Apto	26,12	-	Inspektor Xefe
8	Marcos S. Lopes	11450	53	Rekomendadu	Apto	26,08	-	Inspektor Xefe

Fontes: Dokumentu keixa elementu PNTL ne'ebé la satisfas ho rezultadu promosaun hato'o ba Ministériu Públiku, tinan 2013.

Nune'e mos kazu seluk sei hakait hela ho veteranus sira iha PNTL nia laran iha ne'ebé komisaun hato'o iha sosializasaun katak prioridade mos ba veteranus sira ne'ebé diviza Sarjentu Xefe no Sub-Inspektor. Maibe rezultadu promosaun hatudu katak veteranus no elementu PNTL balu nia valor testu boot hakat deit pasu ida no elementu seluk valor kiik no balu hanesan maibe hakat pasu rua.



Sai preokupasaun ba elementu PNTL sira ne'ebé la satisfas ho rezultadu ne'e tanba la iha justifikasaun husi Komisaun Promosaun Extraordinariu no Komandu Jeral PNTL rasik. Tabela iha kraik ne'e sei hatudu kona-bá valor sira iha rezultadu promosaun nian ne'ebé Sarjentu Xefe ho valor boot maibe hakat pasu ida deit ba Inspektor Asistente no elementu seluk husi Diviza Sarjentu Xefe valor testu kiik maibe promove ba Inspektor.

Tabela. 04. Lista elementu PNTL ne'ebé valor testu boot promove deit pasu ida husi Sarjentu Xefe ba Inspektor Asistente.

Nú	Naran	ID	Nota Testu Kuiñesementu Profesional	Avaliasaun Psikolojia	Intervista	Nota Testu Kursu	Prioridade	Promosaun
1	Constantino Magno	11371	82	Rekomendadu	Apto	30,23	Sub-Insp	Inspektor Asistente
2	Mateus Pinto	10642	72	Rekomendadu	Apto	29,75	Sub-Insp	Inspektor Asistente
3	Raimundo de Araujo	10178	63	Rekomendadu	Apto	21,08	Sub-Insp	Inspektor Asistente

Fontes:Dokumentu keixa elementu PNTL ne'ebé la satisfas ho rezultadu promosaun hato'o ba Ministériu Públiku, tinan 2013.

Maibe elementu PNTL balu ho diviza Sarjentu Xefe ho valor kiik hakat pasu rua husi diviza Sarjentu Xefe ba Inspektor. Hetok aat liu tan Sarjentu Xefe ida la iha prioridade tuir rezultadu final avaliasaun komisaun nian maibe hakat pasu rua promove ba Inspektor Xefe. Hare iha tabele kraik ne'e.

Tabela. 05. Lista elementu PNTL ne'ebé valor testu kiik maibe hakat pasu rua husi Sarjentu Xefe ba Inspektor.

Nú	Naran	ID	Nota Testu Kuiñesementu Profesional	Avaliasaun Psikolojia	Intervista	Nota Testu Kursu	Prioridade	Promosaun
1	Jaimito Hei	10568	57	Rekomendadu	Apto	25,18	Sub-Insp	Inspektor
2	Francisco Martins	10326	57	Rekomendadu	Apto	29,75	Sub-Insp	Inspektor
3	Pedro da Cruz	10729	57	Rekomendadu	Apto	16,95	Laiha	Inspektor

Fontes:Dokumentu keixa elementu PNTL ne'ebé la satisfas ho rezultadu promosaun hato'o ba Ministériu Públiku, tinan 2013.

Kazu seluk ne'ebé FM hetan, iha Diviza Sarjentu nian, elementu PNTL balu iha testu kuiñesementu valor boot maibe iha avaliasaun psikolojia "*Recomenda com Reserva*" promove ba Diviza Premeiru-Sarjentu ka hakat pasu ida deit iha ne'ebé valor testu kuiñesementu 85. Maibe elementu seluk ne'ebé hetan valor kiik (*Recomenda com Reserva*) promove ba Sarjentu Xefe ka hakat pasu rua. Elementu PNTL sira lasatisfas ho rezultadu ne'e, iha ne'ebé la iha justifikasaun. Hanesan iha tabela kraik ne'e.



Tabela. 06. Lista elementu PNTL Diviza Sarjentu ne'ebé valor kiik no avaliasaun psikolojia “Recomendado com Reserva” maibe promove ba Sarjentu Xefe.

Nú	Naran	ID	Testu Kuiñesementu Profesional	Avaliasaun Psikolojia	Promosaun
1	Leopoldinja Rodrigues	10400	79	Recomendado com Reserva	Sarjentu Xefe
2	Julia de Jesus Martins	11734	78	Recomendado com Reserva	Sarjentu Xefe
3	Aloysius Pires	11547	75	Recomendado com Reserva	Sarjentu Xefe
4	Inacio dos Santos	11562	72	Recomendado com Reserva	Sarjentu Xefe
5	Moises de Deus Maia	12099	71	Recomendado com Reserva	Sarjentu Xefe

Fontes:Dokumentu keixa elementu PNTL ne'ebé la satisfas ho rezultadu promosaun hato'o ba Ministériu Públiku, tinan 2013.

Nune'e mos iha Diviza Inspektor Xefe, kazu ne'ebé hanesan, elementu PNTL balu hetan valor diak iha testu kuiñesementu, avaliasaun psikolojia, entrevista husi Komisaun Promosaun “Apto” maibe la pasa ba kursu ho razaun “Não Escolhido”. Maibe la iha razaun atu justifika, tanbasa “Não Escolhido”? Tabela kraik ne'e hatudu kona-bá kazu ida ne'e.

Tabela. 07. Lista elementu PNTL Diviza Inspektor Xefe ne'ebé “Não Escolhido” iha promosaun.

Nú	Naran	ID	Avaliasaun Psikolojia	Testu Kuiñesementu Profesional	Prioridade	Promosaun
1	Jacinto C. dos Santos	10024	Recomendado	73	Laiha	Não Escolhido
2	Afonso Pinto	10072	Recomendado	73	Laiha	Não Escolhido
3	Nuno R. Gomes	10827	Recomendado	73	Laiha	Não Escolhido
4	Antoninho da C. Fernandes	11491	Recomendado	70	Laiha	Não Escolhido
5	Luis Soares Barreto	10122	Recomendado	68	Laiha	Não Escolhido

Fontes:Dokumentu keixa elementu PNTL ne'ebé la satisfas ho rezultadu promosaun hato'o ba Ministériu Públiku, tinan 2013.

Maibe elementu PNTL seluk ho Diviza hanesan Inspektor Xefe hetan valor kiik “Escolhido” ka eskolla husi Komisaun Promosaun no promove ba Diviza Superintendenti Asistente. Hare iha tabela kraik ne'e.



Tabela. 08. Lista elementu PNTL ne'ebé valor kiik maibe “Escolhido” iha promosaun.

Nú.	Naran	ID	Avaliasaun Psikolojia	Testu Kuiñesmentu Profesional	Prioridade	Promosaun
1.	Antonio da Luz	11682	Recomendado	66	Laiha	Sup. Asistente

Fontes:Dokumentu keixa elementu PNTL ne'ebé la satisfas ho rezultadu promosaun hato'o ba Ministériu Públiku, tinan 2013.

Postu Ajente nian, husi Ajente promove ba Postu Sarjentu Xefe maske la iha prioridade no la temi iha Lei Promosaun Estra-ordinariu Nú. 43/2012 maibe Komisaun Promosaun fo prioridade no promove ba postu ne'ebé naktemi iha leten. Iha ne'ebé FM nota iha dokumentu keixa ne'ebé elementu PNTL sira lamenta ho promosaun hato'o ba Ministériu Públiku iha ne'ebé hakat pasu lima husi Postu Ajente promove ba Sarjentu Xefe.¹⁰

Nune'e mos iha Postu Ajente Prinsipal no Ajente Xefe, tuir Lei Promosaun Estraordinariu Nú. 43/2012 la iha prioridade maibe husi Komisaun Promosaun fo prioridade no rekomenda tuir testu ofisiais. Iha ne'ebé postu anterior Ajente Prinsipal no Ajente Xefe promove ba Postu Ofisiais (pasa liu ba Inspektor Asistente), hanesan iha tabela kraik ne'e.

Tabela. 09. Lista elementu PNTL postu anterior Ajente Prinsipal no Ajente Xefe promove ba Inspektor Asistente maske la iha prioridade.

Nú.	Naran	Diviza	ID	Prioridade	Promosaun
1.	Domingos X. da Costa	Ajente Xefe	10618	Laiha	Inspektor Asistente
2.	Mouzinho da Conceição	Ajente Xefe	12381	Laiha	Inspektor Asistente
3.	Marcelino Fraga	Ajente Prinsipal	10578	Laiha	Inspektor Asistente
4.	Manuel Salsinha	Ajente Prinsipal	10943	Laiha	Inspektor Asistente

Fontes:Dokumentu keixa elementu PNTL ne'ebé la satisfas ho rezultadu promosaun hato'o ba Ministériu Públiku, tinan 2013.

Kazu seluk durante FM nia peskiza hetan iha ne'ebé ligadu ho Promosaun Estraordinariu PNTL tinan 2012 nian, iha ne'ebé tuir sosializasaun Komisaun Promosaun Estraordinariu katak elementu PNTL ne'ebé kontinua estuda iha rai liur la autoriza tuir testu promosaun. Maibe iha elementu seluk promove iha Promosaun Estraordinariu tinan 2012. Nune'e mos elementu seluk foti hela “*licença sem*

¹⁰ Soares, Cesaltina. (2014). Dokumentu keixa elementu PNTL ne'ebé la satisfas ho rezultadu promosaun hato'o ba Ministériu Públiku. Dili



vecimento maibe promove iha Promosaun Estrordinariu tinan 2012 maske elementu seluk ativu no hetan valor boot tuir rekezitu sira promosaun nian maibe la pasa.¹¹

Ironiku liu tan, Sarjentu Xefe Sandra do Ceo Maria Costa Bossa, ID: 10086 iha Promosaun Estrordinariu tinan 2012 promove ba Inspektor Asistenteno tula diviza iha seremonia 27 Marsu 2013, iha Komandu Jeral PNTL. Sandra promove ba Diviza Inpektor Asistente durante fulan tolu hodi hala'o nia kna'ar maibe Komisaun Promosaun hatun fali ba diviza anterior (Sarjentu Xefe). Razaun hatun diviza ida ne'e laiha justifikasaun klaru husi Komisaun Promosaun no Komandu Jeral PNTL. Maske inisiu Sarjentu Xefe Sandra husu lisensa tinan rua no ba eskola depois fila fali mai iha momentu hanesan promosaun estrordinariu mos akontese. Sarjentu Xefe Sandra partisipa iha promosaun rekomenda husi Komandu Jeral PNTL. Situasaun ida ne'e desmotiva Sarjentu Xefe Sandra no ikus diside rejigna-an husi Instituisaun PNTL. Maske ikus Komandu Jeral PNTL bolu fila fali maibe Sandra mantein nia desizaun hodi hili vida sivil tanba konsidera Promosaun Estrordinariu tinan 2012 la justu.¹²

Nune'e mos iha dokumentu deklarasaun konjuntu ne'ebé la satisfas kona-bá rezultadu Promosaun Estrordinariu PNTL tinan 2012 ne'ebé lidera husi Komisaun Promosaun Estrordinariu. Iha ne'ebé perguntas sira iha psikotest hakat husi prosesu normal testu nian iha ne'ebé prosesu ne'e lidera husi ofisiais *Polisi Republik Indonesia* – POLRI nian no husu perguntas sira ne'ebé buka hatene segredu Estadu nian. Perguntas sira ne'ebé ekipa promosaun husi ofisiais POLRI nian husu maka hanesan tuir mai ne'e.

- a. *Latar belakang anda di zaman Indonesia pernah bekerja di institusi mana?*
- b. *Pada masa konflik tahun 1999 anda lari ke Indonesia atau tetap di Timor-Timur?*
- c. *Berapa banyak intelejen di kota Dili?*
- d. *Apa rencana anda jika misi UN berakhir di Timor-Timur?*¹³

FM nia duvidas, tanba sa maka bele mosu perguntas sira hanesan ne'e? Karik perguntas sira ne'e mai husi Komisaun Promosaun Estrordinariu ka husi Ekipa Psikotest rasik? Se husi ekipa psikotest, oinsa papel Komisaun Promosaun Estrordinariu nian iha ne'ebé presiza avalia saida maka presiza husu no ida ne'ebé maka labele husu. Perguntas sira iha leten hamosu duvida oin-oin ba elementu polisia sira no hamosu konkluziun seluk katak karik sira mai atu buka informasaun hodi deskobre buat ruma husi PNTL no situasaun siguransa rai laran nian. Portantu POLRI nia istoria naruk ho

¹¹ Soares, Cesaltina. (2014). Dokumentu keixa elementu PNTL ne'ebé la satisfas ho rezultadu promosaun hato'o ba Ministériu Públiku. Dili

¹² Bossa, Sandra do Ceo Maria Costa, Sarjentu Xefe PNTL (2014). Elementu PNTL ne'ebé promove ba Inspektor Asistente ikus Komisaun Promosaun Estrordinariu hatun fila fali ba diviza anterior Sarjentu Xefe. Entrevista pesoal.

¹³ Menezes, Abel M. S (2013) Dokumentu deklarasaun Konjuntu, la satisfas kona-bá rezultadu Promosaun PNTL ne'ebé fo sai husi ekipa Promosaun da PNTL iha periodu Promosaun Estrordinariu tinan 2012. Dili



povu Timor-Leste iha tinan rua nolu resin haat liu ba. Buat hirak ne'e hotu to'o ohin loron sei sai ejijensia fundamental idaba Governu Indonezia atu responsabiliza.

Asuntu seluk ne'ebé FM hetan durante promosaun ne'e la'o, iha ne'ebé involve partidu politiku balu. Kazu ida ne'e akontese iha Distritu Manatuto, Partidu Congresso Nacional Reconstrução Timor – CNRT hasai relatoriu ida asina husi Coordenador Distrital. Iha relatoriu ne'e relata aktu iregularidade ne'ebé komete husi elementu PNTL balu husi Distritu Manatuto nian. Pratika iregularidade maka elementu PNTL balu involve iha Partidu FRETILIN¹⁴ wainhira iha kampaña ba eleisaun Prezidensial no Parlamentar nian iha tinan 2007 no 2012. Elementu PNTL ida ne'ebé relatoriu ne'e akuza ikus la promove iha promosaun estrordinariu tinan 2012 nian. Maske elementu ne'e iha prosesu sira promosaun nian hetan valor ne'ebé boot no hetan sertifikadu promosaun nian.¹⁵

Premeiru, FM apresia tebes partidu politiku sira nia papel iha prosesu dezvoltimentu partikularmente seitor siguransa nian. Iha ne'ebé partidu sira foti papel importante ida hodi kontrola insituisaun siguransa nia dezvoltimentu, profesionalismu no disiplina elementu PNTL sira nian. Ne'ebé konsagra iha Konstituisaun RDTL nian Artigu 147 número 1) ejije forsa siguransa ka polisia sei defende legalidade demokratiku no garante sidadaun sira nia siguransa internu, maibe sira labele iha partidu politiku.¹⁶

Segundu, relatoriu ne'ebé partidu polítiku hato'o hetan apresiasaun diak husi Komadu Distrital no kanaliza ba Komandu Jeral PNTL no Komisaun Promosaun hodi avalia tuir saida maka lei promosaun haruka. Maibe prosesu ne'e rasik hamate fali prosesu normal ne'ebé aplika tuir lei disiplinary nian. Iha ne'ebé kazu saida deit elementu PNTL ida komete tenki la'o tuir investigasaun polisiais nian ne'ebé responsabiliza husi Seksaun Justisa Komandu Distrital nian no kazu ne'e rasik akontese antes promosaun estrordinariu halo.

Impaktu husi promosaun

Deskontimentu ba promosaun estrordinariu tinan 2012 la'o to'o ohin loron, la'os deit hato'o petisaun no keixa hasoru Komisaun Promosaun maibe impaktu seluk halo membru PNTL balu sai la disiplina. Membru PNTL ida iha Distritu Cova-Lima abandona nia kna'ar no sai ho kilat ho motor Institusaun PNTL nian, depois nia mos la hetan passa ba exame promosaun estrordinariu nian iha tinan 2012. Pesoal PNTL iha Distritu refere la tama serbisu husi tempu dader no la halo (parada dader) hanesan atividade regular ida ne'ebé PNTL kada Distritu halo ba sira nia komandu no sira nia membru sira seluk. Pesoal PNTL ida ne'e ema ida husi membru PNTL barak ne'ebé la satisfas ba prosesu

¹⁴ FRETILIN – Frente Revolucionario Timor-Leste Independente.

¹⁵ Relatoriu ne'ebé hasai husi Prezidenti Partidu CNRT Distritu Manatuto Sr. Marcos da Cunha hato'o ba Premeiru Ministru Repúblika Demokratika Timor-Leste no relatoriu ne'e ho Número ne'e 53/Part. CNRT-Dist. Mtt/VIII/2012 iha ne'ebé relatoriu ne'e hasai iha loron 21 Agustu 2012.

¹⁶ Konstituisaun Repúblika Demokratika Timor-Leste, Artigu 147, número 1).



promosaun ne'ebé Governu aplika no kondus husi Komisaun Promosaun Estrordinariu. Oficial PNTL ne'e mos eis veteranu no to'o agora sidauk iha asaun disiplinár husi Komandu Distrital ka Komandu Jeral PNTL.¹⁷

Nune'e mos oficial ida husi PNTL Inspetor Cesaltina Soares hato'o keixa ba Prokurador Jeral Repúblika tanba konsidera rezultadu promosaun la justu. Oficial ne'e hato'o mai FM katak nia hetan valor testu boot maibe hakat deit pasu ida husi Inspetor Asistente ba Inspetor. Maibe elementu seluk valor testu kiik maibe hakat pasu rua ka tolu.¹⁸ Maske iha ona xamada husi nian Komandu Jeral maibe oficial ne'e la hakruk ordem ne'ebé hasai. Razaun ne'ebé nia defende hakarak buka lia los no konsidera Komisaun Promosaun Estrordinariu no Komandu Jeral la rekuiñese valor ne'ebé hetan iha prosesu sira testu nian.¹⁹ Ne'e atu dehan katak rezultadu ne'e halo elementu polsia sira sai la disciplina no la hakruk ba ordem ne'ebé oficial superior sira hasai.

Kazu seluk ne'ebé FM hetan husi rezultadu promosaun estrordinariu tinan 2102 la'os deit lamentasaun hasoru Komisaun Promosaun Estrordinariu no Komandu Jeral maibe sarjentu balu rejigna-an husi PNTL. Hanesan Sarjentu Xefe Sandra do Ceo Maria Costa Bossa rejigna-an husi PNTL tan rezultadu promosaun estrordinariu desmotiva nian iha ne'ebé antes ne'e promove tiha ba Inspetor Asistente liu deit fulan tolu hatun fila fali ba postu anterior (Sarjentu Xefe).²⁰

Impkatu seluk ne'ebé FM hetan katak membru lubuk ida mai husi veteranus ne'ebé hakna'ar-an iha Instituisaun PNTL. Lamenta ho rezultadu Promosaun Estrordinariu tinan 2012 nian no hato'o petisaun ba Premeiru Ministru no Ministru Defeza no Siguransa. Maske antes ne'e iha sosializasaun Komisaun Promosaun Estrordinariu hato'o ba membru PNTL sira katak fo prioridade ba veteranus sira maibe rezultadu sai oin seluk fali. Kazu ida ne'e sai notisia prinsipal iha media hotu-hotuno halo presepsaun oin-oin ba petisaun ida ne'e.²¹

Impaktu seluk FM monitorizasaun nota katak halo membru PNTL balu la disciplina no la respeitu membru seluk tuir ierarkia Komandu nian. Portantu elementu balu ne'ebé valor

¹⁷ Fundasaun Mahein (2013) PNTL La disciplina Ameasa ba Siguransa Timor-Leste. Bele asesu iha ne'e <http://www.fundasaunmahein.org/2013/09/24/undisciplined-pntl-threatens-timor-lestes-security/>

¹⁸ Valor testu nian hare iha tabela rezultadu promosaun nian iha pajina dahuluk liu ba.

¹⁹ Soares, Cesaltina Inspetor (2014). Elementu PNTL ida husi pesoal seluk ne'ebé lamenta ho rezultadu promosaun estrordinariu tinan 2012 nian. Entrevista pesoal

²⁰ Bossa, Sandra do Ceo Maria Costa, Sarjentu Xefe PNTL (2014). Elementu PNTL ne'ebé promove ba Inspetor Asistente ikus Komisaun Promosaun Estrordinariu hatun fila fali ba diviza anterior Sanjentu Xefe. Entrevista pesoal.

²¹ Tempo Semanal (2013). Posibilidade Mosu Petisionariu PNTL iha 2013? Bele asesu iha <http://temposemanal.com/seguransa-defesa/item/291-posibilidade-mosu-petisionariu-pntl-ih-2013>. FM asesu iha lora 20 Feveiru 2014.



testu kiik no balu hetan kazu maibe promote ba postu superior balu.²² Ida ne'e sei halo sofre ba instituisaun no halo dsiplina membru PNTL nian sei la forte inklui desmotiva serbisu membru PNTL seluk nia serbisu.

Sumariu rekomendasaun

1. FM rekomenda ba Komandu Jeral PNTL nasional atu halo revizaun no avaliasaun ba kada Komandu Distritu, unidade no departamentu sira nia lala'ok polisiamentu nian, oinsa bele sukat sira nia meritu serbisu nian ka didikasaun no esperiensa. Nune'e mos fo informasaun ba Komandu Jeral kona-bá sasidik saida deit maka sira hasoru iha sira nia kna'ar iha distritu sira ka unidade no departamentu sira nia laran.
2. FM mos rekomenda ba Governuatu halo revizaun ba prosesu promosaun PNTL nian. Prosesu dadaun ne'e Governu hili ofisiaias balun para halo promosaun, ida ne'e la realistiku no la efektivu. Tamba Governu la halo kna'ar iha Instituisaun PNTL, tantu ladun hatene kona-bá lala'ok serbisu PNTL nian, tanba ne'e maka labele halo monitorizasaun diak ho edekuada ba lala'ok PNTL nian hodi halo promosaun deviza. Individu PNTL ne'ebé diak tenki promote ba promosaun tuir esperiensa ho meritu diak, la'os ba koneksaun polítika ka partidaria.
3. Ikus liu FM husu atu labele halo politizasaun ba promosaun PNTL no fo autonomia ba Institusaun PNTL rasik halo promosaun tuir lala'ok PNTL nian iha ne'ebé hare ba membru sira nia didikasaun, esperiensa no meritu serbisu.

²² Valor testu nian hare iha tabela rezultadu promosaun nian iha pajina dahuluk liu ba.



Bibliografia

Bossa, Sandra do Ceo Maria Costa, Sarjentu Xefe PNTL (2014). Elementu PNTL ne'ebé promove ba Inspektor Asistente ikus Komisaun Promosaun Estrordinariu hatun fila fali ba diviza anterior Sanjentu Xefe. Entrevista pesoal.

Decreto-Lei No. 22/2012 de 23 de Maio Período Extraordinário de Promoções na PNTL.

Fundasaun Mahein, (2010). Mahein Nia Lian Nú. 15 Rekrutamentu ba PNTL: Dalam Narukba Profesionalizmu. Bele asesu iha <http://www.fundasaunmahein.org/wp-content/uploads/2010/12/mahein-nia-lian-no-15-141210-tet.pdf>. Asesu iha lora 20 Feveiru 2014.

Fundasaun Mahein (2013) PNTL La disiplina Ameasa ba Siguransa Timor-Leste. Bele asesu iha ne'e: <http://www.fundasaunmahein.org/2013/09/24/undisciplined-pntl-threatens-timor-lestes-security/>. Asesu iha lora 21 Marsu 2014

Konstituisaun Repúblika Demokratika Timor-Leste.

Menezes, Abel M. S (2013) Dokumentu deklarasaun Konjuntu, la satisfas kona-bá rezultadu Promosaun PNTL ne'ebé fo sai husi equipa Promosaun da PNTL iha periodu Promosaun Estrordinariu tinan 2012. Dili

Nunes, J. (2013). Sertifikadu husi Komisaun Homenagem no Komite 12 Novembru hodi kompleta dokumentu promosaun nian iha periodu Promosaun Estrordinariu tinan 2012. Dili

Relatoriu ne'ebé hasai husi Prezidenti Partidu CNRT Distritu Manatuto Sr. Marcos da Cunha hato'o ba Premeiru Ministru Repúblika Demokratika Timor-Leste no relatoriu ne'e ho Número ne'e 53/Part. CNRT-Dist. Mtt/VIII/2012 iha ne'ebé relatoriu ne'e hasai iha lora 21 Agustu 2012.

Soares, Cesaltina. (2014). Elementu PNTL ne'ebé la satisfaitu ho rezultadu promosaun estrordinariu iha tinan 2012. Entrevista pesoal.

Tempo Semanal (2013). Posibilidade Mosu Petisionariu PNTL iha 2013? Bele asesu iha <http://temposemanal.com/seguransa-defesa/item/291-posibilidade-mosu-petisionariu-pntl-ih-2013>. FM asesu iha lora 20 Feveiru 2014.